



gigi ng

<  
>

15/03/2008 10:42

To beStrong@fhb.gov.hk

cc

bcc

Subject 反對強醫金

Urgent  Return receipt  Sign  Encrypt

我反對強醫金的理由是剛剛先從校園生活中跳到社會裡工作，初出茅廬，乜都唔識，乜都要學，剛剛先識得搵錢，等屋企生活好D，9千蚊的人工已有接近5百元供mfp，二千元給租金(只出少部份)，二千蚊食飯+車費，再加上日常屋企開支，水費、電費、煤氣、管理費、家居電話費、手提電話費、上網費等其他日常開支，都未計平時出街0既洗費，已經淨返二千多咋，呢二千多元仲未計讀書個時借政府0既錢，出0黎做0野就要開始還喇，每3個月就要還一次，每次都幾千蚊，咁當然我就每個月儲1-2千蚊去應付每3每月要還0既款項，但已經覺得好吃力，加上宜家通漲每個月都好似無錢淨，宜家仲要有強醫金，真係好吃力，剛剛先找到份工，可以包醫療保，睇醫生唔駛俾錢，先開心0左一陣，仲同媽咪講：睇醫生唔駛再俾咁 貴睇喇！(以前有病都唔係好敢去睇醫生)，但宜家偏偏就要係人工個度扣幾百蚊去放係唔係每個月用到0既醫療上，公司都有得保0既時候，真係覺得無咁0既需要，如果真係要我供0既時候，我心甘情願係我還晒問政府借0既十幾萬之後，我有能力地去俾，宜家仲爭政府十幾萬，我真係無咁0既能力去俾呢幾百蚊，幾百蚊夠我出幾次街架喇，如果真係拎埋呢幾百蚊，我真係連玩都無得去玩，呢d就係我0既意見，我希望可以幫輕剛剛畢業又負債的學生們，希望係給一D從事工作超過5年以上的打工仔先要供。

p. s. 我每月搵9千蚊都咁吃力, 如果搵得俾我少0既，我相信佢地一定仲無奈過我，希望政府官員可以體諒這一點，謝謝。

---

Yahoo! 網上安全攻略，教你如何防範黑客! [了解更多](#)